



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KTO 0024031 23
Sarajevo, 20.11.2023.godine

HITNO

SUD BOSNE I HERCEGOVINE
SARAJEVO
Sudiji za prethodno saslušanje

Na osnovu člana 35. stav 1. i 2. tačka i) i 226. i 227. Zakona o krivičnom postupku Bosne i Hercegovine, p o d i ž e m :

OPTUŽNICU

PROTIV:

1. Seada Kukuljaca, [REDACTED] rodenog [REDACTED] 1974. godine
u Sarajevu, [REDACTED]

[REDACTED] državljanina Bosne i Hercegovine,
[REDACTED]
[REDACTED]
[REDACTED]
[REDACTED]
[REDACTED]
[REDACTED]
[REDACTED]
[REDACTED]
[REDACTED]
[REDACTED]

2. Seada Muslića, [REDACTED] rodenog [REDACTED] 1966. godine u
Sarajevu, [REDACTED]

[REDACTED] državljanina Bosne i Hercegovine,

Što su:

U periodu od početka mjeseca maja pa do 20. maja 2023. godine, Sead Kukuljac, organizovao i rukovodio grupom za organizovani kriminal u smislu člana 1. stav 22. KZ-a BiH, u cilju pribavljanja protivpravne imovinske koristi neovlaštenom međunarodnom kupoprodajom, prenosom, prevozom, držanjem, posredovanja u daljnjoj međunarodnoj prodaji, uvozom i izvozom, slanjem i isporukom opojne droge „Cannabis Sativa“, koja opojna droga je Konvencijom o psihotropnim supstancama od 1971. godine i Rješenjem o popisu opojnih droga ("Službeni list R BiH" br. 2/92 i 13/94) proglašena opojnom drogom i čiji se promet može obavljati samo na temelju dozvole nadležnog organa u skladu sa Zakonom o proizvodnji i prometu opojnih droga ("Službeni list R BiH" br. 2/92 i 13/94) i čiji je promet zabranjen odredbama Zakona o sprječavanju i suzbijanju zloupotrebe opojnih droga („Službeni glasnik BiH“, broj 8/06, 103/08 i 51/11), kojoj su kao pripadnici grupe pristupili Muslić Sead, [REDACTED] te njima poznate osobe iz Crne Gore i BiH, a koji su znali da je grupa organizovana radi vršenja međunarodne kupoprodaje droge i njene dalje isporuke i da se radi o opojnoj drogi „Cannabis Sativa“, te svjesni da nemaju odobrenje nadležnog organa za nabavku, kupovinu, držanje i prodaju navedene opojne droge, pa je u toku mjeseca maja 2023. godine, Sead Kukuljac sa njemu poznatim licima sa područja Crne Gore dogovorio kupovinu i isporuku opojne droge „Marihuane“ („Cannabis Sativa“) iz Crne Gore u BiH za njemu poznat iznos novca, a nakon čega je u skladu sa navedenim dogovorom, dana 20.05.2023. godine od strane pripadnika grupe [REDACTED] iz Crne Gore na područje BiH prebačena opojna droga „Cannabis sativa“ [REDACTED] na područje Kantona Sarajevo, da bi potom Kukuljac Sead angažirao pripadnika grupe Seada Muslića da [REDACTED] obezbijedi odgovarajući prostor u kojem će se izvršiti preuzimanje droge [REDACTED], a što je Muslić i učinio na način da je [REDACTED] iznajmljuje poslovni prostor [REDACTED] u [REDACTED] opština Novi Grad Sarajevo, [REDACTED] da bi dolaskom na navedenu lokaciju [REDACTED] Kukuljac, Muslić i [REDACTED] izvršili istovar opojne droge „Cannabis Sativa“, a koju drogu su potom Kukuljac i Muslić pretovarili u pmv taxi vozilo Passat [REDACTED] vl. Seada Muslića, koje se nalazilo ispred [REDACTED], a koja droga je bila namijenjena za dalju prodaju u zemljama EU i BiH, nakon čega je Kukuljac ispred [REDACTED] predao novac za drogu [REDACTED] u njima poznatom iznosu, [REDACTED] dok je Sead Muslić po uputama Seada Kukuljca zajedno sa istim navedenu drogu prevezao na adresu na kojoj je nastanjen Sead Kukuljac [REDACTED] u Sarajevu, da bi dana 20.05.2023. godine u poslijepodnevnim satima na navedenoj adresi, prilikom pretresa navedenog taxi vozila vl. Muslić Seada od strane ovlaštenih službenih lica, pronađeno i privremeno oduzeto 17 pakiranja oblijepljenih smeđom selotep trakom, različitog oblika i težine,

grumenastog sadržaja, koji su svojim izgledom asocijali na opojnu drogu „Marihuanu“ („Cannabis Sativa“), [REDACTED]

[REDACTED] dok je pretresom dijela kuće koju koristi Kukuljac Sead [REDACTED] pronađen još jedan vakumski pakirani komad dimenzija 11x11 cm u kojem se nalazila materija koja je svojim izgledom asocijala na opojnu drogu „Marihuanu“, te jedna pvc vrećica promjera 10-cm sa grumenastim sadržajem, nepravilnog oblika, koja je svojim izgledom asocijala na opojnu drogu „Marihuana“, a za koju pronađenu drogu u vozilu i kući i to: 11 pakovanja sačinjenih od prozirnih PVC vrećica, oblijepljene smeđom selotejp trakom neto mase: 506,63 g, 320,42 g, 499,99 g, 490,62 g, 960,36 g, 993,69 g, 1035,78 g, 971,83 g, 499,54 g, 491,07 g, 485,23 g, (ostatak 506,58 g, 320,38 g, 499,96 g, 490,57 g, 960,29 g, 993,62 g, 1035,70 g, 971,77 g, 499,50 g, 491,03 g, 485,18 g), 6 pakovanja omota sačinjenih od prozirne pvc vrećice, umotena u prozirnu pvc foliju, oblijepljene smeđom selotejp trakom neto mase: 993,94 g, 997,42 g, 475,78 g, 997,65 g, 998,53 g, 989,98 g, (ostatak 993,89 g, 997,36 g, 475,74 g, 997,59 g, 998,47 g, 989,91 g), 2 prozirne pvc vrećice sa sadržajem neto mase: 19,30 g i 15,25 g (ostatak 19,28 g i 15,23 g) odnosno ukupne neto mase 12.706,97 g je vještačenjem utvrđeno da se radi o drogi koja sadrži psihotropnu komponentu tetrahidokanabinol (THC) u procentu većem od zakonom propisanog te predstavlja opojnu drogu „Cannabis“, te da se „Cannabis“ i tetrahidokanabinol (THC) nalaze na popisu opojnih droga, psihotropnih materija, biljaka iz kojih se može dobiti opojna droga i prekursora Zakona o sprečavanju i suzbijanju zloupotrebe opojnih droga („Službeni glasnik BiH“, broj 8/06, 103/08 i 51/11).

Dakle, Sead Kukuljac organizovao grupu radi međunarodne prodaje, prenosa i isporuke opojne droge „Cannabis Sativa“, te sa pripadnicima grupe vršio preuzimanje i prevoz opojne droge radi dalje međunarodne prodaje, a Muslić Sead kao pripadnik grupe vršio preuzimanje opojne droge naručene i dovezene iz Crne Gore te prevoz iste a radi međunarodne prodaje,

Čime je Sead Kukuljac, počinio krivično djelo Organizirani kriminal iz člana 250. stav 3. Krivičnog zakona BiH, u vezi sa krivičnim djelom Neovlašteni promet opojnim drogama iz člana 195. stav 1. Krivičnog zakona BiH, a Sead Muslić počinio krivično djelo Organizirani kriminal iz člana 250. stav 1. Krivičnog zakona BiH, u vezi sa krivičnim djelom Neovlašteni promet opojnim drogama iz člana 195. stav 1. Krivičnog zakona BiH.

TUŽILAC
TUŽILAŠTVA/TUŽITELJSTVA BiH